



*Selasa, 27 Juni 2023*  
**Ogen: Rut 1:7-17**



**“Kiniulin Simetua”**



**I**bas percakapan dua kalak Moria kerna hubungenna er-simetua. Lit Moria si nuri-nuri : simetuaana si kurang akapna payona erkiteken rusur ncampuri urusan rumah tanggana. Lit ka nuriken kerna kiniulin simetuaana; banci jadi temanna arih-arih, perkeleng ras sidebanna.

Moria GBKP si ngoge paksa tenengta wari enda banci jadi kita selaku bermain entah selaku simetua, lit nge pengalamenta bagi pengalamen Moria enda ndai?

Naomi selaku simetua mereken usihen si mehuli man banta selaku si metua janah Rut ras Orpa selaku bermain pe mereken usihen man banta selaku bermain. I bas hubungan e lit keterbukan antara simetua ras bermain. Naomi selaku simetua iarihkenna ras permenna kerna kecibal rikut pe situasi si ialami jabuna. I bas anak-anakna nggo mate, iberekenna kesempatan man permenna lako mulihken ku keluarganya tapi permenna duana ersura-sura lako tetap ngikutken simetuaana. Mehuli kal hubungan Naomi ras permenna duana, teridah arah arih-arih si ilakokenna teluna.

Naomi eme gambaren si metua si mehuli; Naomi eme simetua si tebuka man permenna; Naomi encakapken man permenna kerna sura-surana; janah mereken kesempatan man permenna gelah permenna muat keputusan kerna geluhna.

Hubungen simetua ras permen si mehuli icidahken arah oratenta wari enda, marilah kita selaku simetua bage pe bermain si usihlah perukuren ras perbahanen Naomi bage pe Rut ras Orpa enda. Gelah arah hubungan keluarganta teridah kemulian Dibata.